

A2<sup>r</sup>

Dem Edlen vnd Erneueten  
 Junckern Peter Scheren dem Eltern  
 Röm. Key. vnd König. Mai. Raht vnd dienern  
 feinem bfunder gũnftigen lieben  
 herrn vnnd freund.

ES find bei den alten Krie  
 chen vnnd Römern (Erneueter lieber  
 Juncker) die fürnemlich in eren geweßt  
 vnd für die besten burger gehalten wor  
 den/ welche mit höchstem fleiß (jrem ver  
 mögen nach) dem gemeynen nutz ge  
 dient habē/ darumben das auch die La  
 cedemonier keynen burger bei jnen dul  
 den wöllen/ von dem nit ettwas son  
 ders nutz der gemeyn zũftehen möcht.  
 In welchem auch nit angefehen ward/  
 vff was weg eyner dienftlich wer/ Dañ nit eyn yeder mit feinem gũt der  
 gemeyn behüfflich fein mocht/ dieweil allwegen/ bei allen nationen/  
 der armen mehr dañ der reichen find/ So war auch nit allen die gefchick  
 licheyt von natur oder zucht gegeben/ das fie mit lere oder gũten rhäten  
 der gemeyn fürftendig fein möchten/ wie auch nit allen zũ kriegen/ vnnd  
 das vatter land zũ befchirmen vnd retten befolhen kan werden. Ja (fag  
 ich) wo eyner nit baß vermocht/ fo war es gnũgſam/ die ſtattthor zube  
 waren/ vnd mit gefchrey die burger für zũfelligem ſchaden zu warnen/  
 welches auch zu zeiten eyn kind thun mag. Daffelbig hat mich auch ver  
 urfacht neben fleißigem anfüchen ettlicher gũter freund/ vnnd nemlich  
 des Truckers/ das ich difes werck vnderftünd zuverdolmetſchen/ vnnd  
 dem gemeynen nutz damit zudienen. Auß welchem (als ich vngezweifelt  
 bin) nit alleyn vnferer ſtatt vnd mitburgern/ fonder auch allen andern  
 ſtetten vnd landen der Teutfchen nation (zũ welchen es kompt) hoher  
 nutz entſpringē mag/ Zuuor aber den gũthertzigem/ die begerē on vber  
 laft vnnd ſchaden jrer nechften/ narung vnd gũt zu vberkommen. Dann  
 yewelts her/ hat man den veldbaw/ oder (wie mans nent) den erd wũ  
 cher für eyn göttlich vnnd erlich ding gehalten/ auß welchem one yeder  
 mans beſchwerd meniglich nutz herlangen kan. Dañ was wolt erlichers  
 fein vnd Gott gefelligers/ dann dazũ der menſch von anfang her in fei  
 nen eltern verwidambt worden ift? ja das auch von Gott nit alleyn  
 geheylfen/ fonder dem menſchen mit vatterlicher ſtraaff vmb der fünd  
 willen (welcher wir noch all vnderworffen find) vffgelegt worden ift?  
 Ich will aber damit nit eyn yeden gezwungen han/ das er mit feinem

leib das bawers werck treib/ welches manchem befchwerlich/ vnd ettlig  
ij chen

A2<sup>v</sup>

## Vorrede

chen vileicht auch vnmüglich were/ fonder das er feinen gewinn vnnd befferung feiner narung durch folche arbeyt fûch/ Entweder mit eygner arbeyt (fo er folchs vermag) oder durch gedingte knecht/ die nach feiner anrichtung den handel fûren. Also habend auch die Alten Römer jre baw güter verwaltet/ wie eygentlich in jren büchern gefpûret würt/ das nit fie die arbeyt felbs außgericht haben/ fonder die meyer/ fampt jren darzû beftelten knechten/ Dem herren aber hat nichts weiters gebürt/ dann offtermals fein veld zubefichtigen/ vnnd bei jm felbs zu mûtmaffen/ ob der baw recht noher gehe vnnd nichts verfaumt werde. Daher dann auch das alte fprichwort entftanden/ da man gefagt/ Es tünge keyn miß den acker baß/ dann der an des herren fchûhen hangen thûe.

Vnd ob funft nichts were das vns zû dem veld baw vnd ackerwerck reyzen vnd luftig machen folt/ fo were alleyn das gnügfam/ das es eyn folche Übung ift/ on welche die menfchen gar nit beftehn vnnd erhalten werden mögen. Vnnd fo die felb geübt oder gebraucht würt/ fo haben der menfch vnnd die thieren dauon jr reichliche narung vnd vnterhaltung. Dann all andere Übungen vnd künft/ find mehr dahin gericht/ das man dem luft/ dann der notturfft genüg thûe/ Was aber daffelb zu letft dem menfchen zu lohn gebe/ werden wir leyder täglich vil zu vil innen/ dann aller mûtwill vnnd üppigkeyt der welt entfpringt darauß/ das man den luft der notturfft fürzeucht. Nun fagt aber ye der heylig Paulus/ Wann eyn Chrift hab effen vnd trincken fampt der kleydung damit wir bedeckt werden/ fo foll er zu friden fein. Wo nun dem also were/ wie jm billich fein folt/ fo werend fchier die fürnembften Übungen der welt fchon nidergelegt/ durch welche der pracht vnnd mûtwillen erhalten vnd gemehret würt/ vnnd alleyn der vnſchedliche ackerbaw den Chriſten erlaubt. Das fag ich nit darumb das ich gute künft vnnd Übungen verwerff/ oder veracht an jnen felb/ fonder acht ich mehr den mißbrauch der felben zu ſchelten fein/ vnd das man fie (auß verkertem vrtheyl) der Gottfeligen vnd alleyn notwendigen arbeyt des Acker oder veld baws fürzeucht/ also das fie auch vor folchen on notwendigen gefchefften veracht vnnd verkleynt würt/ Dann es find nit vil die jre kinder ettwas lernen wöllen/ damit fie jre tägliche narung gewinnen mögen/ die nit meynen die fach ſtehe baß vmb fie/ fo fie eyn fun zû eym goldſchmid/ feidenfticker oder der gleichen on notwendigen handwercken verdingen das handwerck zuleren/ dañ fo fie jn zû eym bawren verdingen/ den erlichen vnd notwendigen veldbaw zuleren/ Jch gefchweig yetz der ſchedlichen gewerb vnnd handtierung/ dadurch gantze land beſchwerdt werden/ vnnd doch in folchem anfehen vnd wörden find/ das

nichts anders ist/ dem so begirlichen nachgetelt würt/ vnd das alleyn  
vmb des leydigen gelts willen (welches doch das größte giffet vff erden  
ist) so man es recht verfohn wolt.

Aber beiden Alten war es gar eyn anders/ ehe dann so vil finantz  
licher händel auff erden komen/ da war nit vnerlich das jenig das not  
wendig

A3<sup>r</sup>

## Vorrede

wendig war/ Ja so die felben eyn redlichen man loben wolten/ fo nen-  
 ten sie jn (wie Cato sagt) eyn gûten bawers man/ vermeynen er wer al  
 fo vff das aller vollkommenichft gelobt/ dann das bawers werck gibt  
 den aller gottfeligften wûcher/ der bestendig ist/ vnnd niemants ver-  
 gundt kan werden. So trachten auch die jenigen/ die jm obligen/ nit fo  
 vaft nach den gefchwinden finantzen der welt/ fonder thund was jnen  
 Gott befolhen hat/ vnd befehlen jm das úbrig/ das er jre arbeyt frucht-  
 bar machen wöll. Noch sind sie von den vnuerstandenen inn eym ver-  
 echtlichen anfehen/ gleich als reicht es zuverkleynerung der perfon/ fo ey-  
 ner eyn bawers man wer/ fo doch der hõchft adel von den felben hat al-  
 les was er an zeitlicher narung vermag. Warlich es war bei den alten  
 Rõmern nit also geachtet/ fo eyner eyn bawer war/ da man Quintium  
 Cincinnatum von dem pflûg berufft zû eym Oberften hauptman vnnd  
 Keyfer/ das er die belegerten Rõmer errettet/ Welche herlicheyt auch  
 das gemût des teuren mans inn keynen weg vffbließ oder verwehnt/  
 das er feiner vorigen müfeligkeyt vergeffen hett/ fonder er behielt das  
 redlich gemût/ vnd vberantwort nach gethoner fach den Rahts herren  
 fein befolhen ampt/ sampt dem fig/ schneller vnnd begirlicher/ dann ers  
 empfangen hett. Welches auch nach jm C. Fabricius/ vn̄ Curius Den-  
 tatus gethon haben/ als der eyn Pirrhum auß Jtalia vertriben/ vnnd  
 der ander die Sabiner zû gehorfam bracht hetten/ Noch war jnen die  
 hõchft freud/ jre schmale áckerlin zu bawen. Deren gemût ist zwar gar  
 weit anderft gefanden/ dann ettlicher zû vnfern zeiten/ Welche/ fo eyn  
 mal zû ettwas befehls gebraucht werden/ darinn ettwas eer vnnd wir-  
 den zu erlangen ist/ Wie künden sie daffelb fo gar nit vergeffen? Wie  
 bald wachsend jnen hörner mit den sie yederman erschrocklich begeren zu  
 fein? Wie gar vergeffend sie ettwan jres schlechten herkommens? Wie  
 nemend nies fo vorúbel vff/ fo man sie anpricht vnd nit vber das ander  
 wort jres befehls gedenckt? Hat eyner nit mehr dann eynelt ettwas  
 befehls vnder Frommen lands knechten gehabt/ wie vaft erhebt er sich  
 desselben? ob es schon nit eyn fo hoch ampt ist gewesen/ wie gern hat er  
 das mans jm offt vmb die oren jag? fo man jm zû spricht/ gleich als ob  
 er der nit wer/ der er vor folchem befehl war? ob er schon vileicht fein le-  
 ben lang zû folchem befehl nit mehr gebraucht würt/ vnd auch den fel-  
 ben nit lang verwesen hat?

Anderft aber vnnd billich seiendt jr gefinnet Ernuefter lieber Jun-  
 cker/ welches mich auch nit wenig verurfacht/ das ich dife meine arbeyt  
 Ewer veste zû schreib/ Dann wiewol jr bei Rõmischer Keyferlicher  
 vnnd Küniglicher Maieftat inn mancherley befelechenn vnnd âmp-

tern gebraucht find worden/ dariñ jr on zweifel wol erfahren habt/ durch  
tågliche Übung der welt händler/ was vnderfcheyds fein mag zwischen  
eym schlechten vnschuldigen bawers man/ der bei feinem befelch/ on ye-  
dermans fchaden/ aber mit meniglicher nutz/ bleibt/ vnnd eym wellt  
fchweyfigen/ der alle feine händler dem nutz oder mütwillen nach rich-  
ij tet/

A3<sup>v</sup>

## Vorrede

tet/ Welches Ewer veste on fâl dahin verurfacht hat/ das jr euch vmb folche meyer hõfe vnnd baw gûter (wie ich hõr das jr bekommen) gelûgt habt/ auß welchem jr auch nit weniger erlichen nutz erlangen mögen/ dann auß allen verdienften/ fo jr von Keyfer vnnd König/ auch anderer Fürften reilicheyt haben möcht. Dann ob schon an Fürften hõfen eyn scheinbarlicher pracht/ fo ist der selb doch vaft wol mit knechtlichen dienften/ deren sich eyn frei menfch befchemen solt/ vermifchet/ Vnnd ob schon ettlich vnderweilen durch folche dienft zû gût vnnd nahrung kommen/ fo will es doch mit folchen gelchwinden griffen zû gohn vber alle mühe vnnd arbeyt/ das es felten mit gûtem gewiffen befohn mag. Darumb hab ich auch gût hoffnung/ fo jr dife bücher mit fleiß lesen werden/ vnnd des handels weitem verftandt erlangen/ euch werden ye mehr die vnrûwigen hândel der welt mißfallen/ vnnd das gottfelig bawers werck inn gröfferem anfehen lieben werden/ Zuor dieweil es nit alleyn im veld baw begriffen ist/ fonder auch inn dem viech zûg/ zû welchem auch Fürften vnnd Herren begirde zu zeiten haben/ vmb mancherley lufts vnnd nutz willen/ oder villeicht auch darumb/ das es erlicher gefchetzet würdt/ viech ziehen/ dann acker bawen/ Oder das es luft mit sich bringt/ fo eyn herr vil phafanen/ pfawen/ taubē/ kromats vōgel vnnd Capunen zeucht/ welchs ettlicher maß das geficht erlûftiget/ vnd doch auch die küchen verforget/ welchem am forderften nach geftrebet würt. Ist eynem dann nit an dem luft oder ergetzlicheyt gelegen/ vnnd begert dem reuterfpil nach zu ftellen/ fo ist difes handels nit das wenigft theyl/ wie man schon roffs oder maulefel ziehen vnnd bekommen mög/ Welchs eym herren auch ettwan mühlich zubekommen ist/ ob er sich schon keyns gelts tauren ließ. Andere habend jren luft inn thiergärten/ vnnd mit dem weydwerck/ denen auch gleich fo wol mit difen büchern gedienet kan werden. Vnd dieweil jr folchs alles erfahren vnnd all täglich bafs erfahren mögt/ wo jr der fach ftattlicher vnnd embfiger anhangen würden/ hat mich für gût auch angefehen Ewer veste difes bawers werck zû zuschreiben/ damit dife bücher von euch entfchuldiget würden/ wo sie getadelt/ oder als vnnütz veracht woltē werden/ bei denen die der fach wenig verftands/ vnnd zum handel keynen luft hetten/ Dann dife arbeyt ist alleyn denen zu lieb vndernommen worden/ die luft zum erdhandel haben/ vnnd lieber durch eygne/ dann frembde müh vnnd arbeyt herneert werden wõllen.

Es darff sich auch niemands irren lassen/ ob eyner sagt/ Was geht mich das Bawers werck an? ich will es den Bauren befehlen/ die sonft nichts künden vnnd lernen wõllen. Welcher nun also redt der gibt sich

felbs ſchuldig/ das er nit weyß/ was bawers werck ift. Dann ſo vil ich  
mich erinnern kan/ ſo ift das bawers werck nit weniger künftlich zu ſche  
tzen/ dann eynich ander handtwerck/ es heyß gleich wie es wöll/ Vnd ift  
auch keyn handwerck/ das jm inn nutz vnd notwendigkeyt verglichen  
werden kan/ Vmb welcher zweyer ding willen/ alle handtwerck geleert  
vnd

A4<sup>r</sup>

## Vorrede

vnd vnderftandē werden. Ich weyß wol das auch deren vil/ die täglich mit difem handel vmb gond/ felbs nut wiffen was dem hädel dienftlich oder hinderlich fei/ des halben fie auch oft kleynen nutz dauon haben/ klagend vil über das wetter vnd vnfruchtbarkeyt des erdtrichs/ fo doch jren nutz nichts verhindert/ dann jr eygne vnwillenheytt vnnd freuel/ das fie on allen verftandt eyn folche arbeyt vnderftehen/ deren fie gar keyn wiffens oder verftandt haben. Es ift nit gnüg zû eym bawers man/ das eyner von eym bawren geboren fei/ vnnd feinen vatter lang hab fehen das veld bawen/ fonft möcht ſich eyner eyns yeden handels vnderziehen/ den feine eltern vnd verwandten getriben hetten/ da man oft die jungen auch zû laßt fehen/ vnnd zu zeiten auch handt anlegen/ doch on volkommende verftendigung vnnd notwendigem bericht/ der zû dem handel erfordert würt/ on welche der handel on nutz ift vnd mit ſchaden abgoñ muß. Welcher nun dem ſelben ſchaden entgoñ/ vnd mit nutz fein arbeyt anlegen will/ der leer inn difen büchern was von eym bawers man zu wiffen herfordert würt/ Dañ es würt nit gnüg fein/ das eyner ftarck fei/ vnd wol arbeyten kund vnd mög/ er wifs dann auch wann vnnd wo fein arbeyt angelegt fei. So eyn bawers man nit gûten vnderfcheyd weyß vnder den gründen/ welcher lufft jm nütz oder ſchedlich fei/ vnnd mit was waffers fein erdtrich befeüchtet würt/ fo verleurt er oft mit groffer arbeyt allen fleiß vnnd koften/ den er anwendt. Es ift nit eyn yedes erdtrich zû eym yeden baw gût/ fo ift auch nit eyn yeder wind vnnd anſchaw der fonnen zû eym yeden ding gût/ fo thût oft das waffer eym baw veld ſchaden alfo/ das keyn nützliche frucht da bekommen mag/ Wo aber eyn bawers man folcher notwendigen ding gûten bericht hat/ fo weyß er was für eyn frucht inn eym yeden grund bekommen mag/ vnnd welcher lufft diß oder jhens ding fürdern oder hindern thue/ fo kan er auch dann feinen gründen waffer zûlaßen/ wann vnnd wie vil er weyß nützlich fein/ vnnd erlangt alfo gûte frucht vnnd belonung feiner arbeyt/ das eynem vnuerftendigen alles (wie man ſagt) an der hawen bleybt kleben.

So vil aber die verdolmetſchung antrifft (Ernuefter Juncker) ſolt jr wiffen das ich mich frei darinn gehalten hab vnangebunden/ vnd hab allwegen mehr vor augen gehabt den verftandt vnnd nutz des leſers dann zirlichheytt der wort/ vnnd mehr eyn ſinn auß dem andern verdolmetſchet dann das ich von wort zû wort den handel dar zelt/ wie er im latein vergriffen ift. Ich hab auch offter mals ettwas außgelaßen (doch on verletzung des verftands) das mich dunckt vergebenlich hin zû gefetzt fein/ oder das dem Teutfchen leſer in keynen weg nützen möcht. So hab

ich auch mich eyner freiheydt gebraucht (doch nit on verftandt) inn dem  
das ich ettlich ding genent hab mit newen/ vnd bei mir gewachfen na=  
men/ doch vß anleytung der naturkündigen Plinio/ Theophrasto/ vnd  
Diofcoride/ als da ich herbam Medicam den heydnifchen klee/ vnd Cy=  
thifum den weiffen klee nenn/ die funft keyn namen vnd erkantnis mehr

A    iij    bei

A4<sup>v</sup>

## Vorrede

bei vns haben/ wie ander vil ding/ die ettwan inn groffem werdt vnnd  
 brauch gewefen/ vnnd yetz fampjt jren namen verloren find worden.  
 Doch möcht ich wol leiden/ es keme eyner vnd zeygt vns an was es wer/  
 vnnd wie es hieß/ fo wolten wir jm gern dancken/ vnnd mit vnfer dol-  
 metfchung auff eyn feit rucken. Es mag fich auch wol begeben/ das ey-  
 ner fo des handels mehr bericht vnd verftandt hett/ ettlich ding eygent-  
 licher genent hett dann ich/ als eyner der nie bei dem handel geweßt ift/  
 gethon haben möchte. Dann eyn bawer weyß am baften vnderfcheyd zu  
 geben wie die arbeyt heyß/ fo man eyn acker nach der erndten zum erften  
 mal vmb ackert/ vnnd vber ettlich monat zum andern mal/ vnnd ett-  
 wan zum dritten mal/ das hat mir alles zackern/ eren/ oder ftürtzen on  
 vnderfcheyd geheyffen. Die Alten habē den vnderfcheyd alleyn von der  
 zal gedeudet/ als fo lies profcindere/ iterari/ vnnd tertiarum nennen. Also  
 hat der rebman auch fein arbeyt/ die ich vileicht auch nit allwegen mit  
 jrem namen fo bei den rebleuten gemeyn/ genent hab/ wie auch eyn folch  
 ding inn eym land anders genent würt/ dann im andern/ gleicherweiß  
 wie fich auch der baw verandert von eym land zum andern/ Jm Elfas  
 bawet man die reben anders dann im Francken land/ Jm Teutfchen  
 land anders dann inn Jtalia oder Franckreich/ Darumb fo ift der baw  
 wie man jm inn Jtalia thût inn difen büchern am fürnemften ange-  
 zeygt/ dieweil bede Columella vnnd Palladius jre bawgüter inn Jta-  
 lia gehabt/ wie auch M. Cato vnnd Terentius Varro/ auß welchen di-  
 fe jre lere (als von den eltern vnnd erfarniften) genommen haben/  
 Darumb ift auch die pflantzung der ölbeum/ feigenbeum/ vnnd anderer  
 frucht angezeygt vnnd befchriben/ wiewol der felben wenig/ oder gar  
 keyner zur frucht im Teutfchen land (fo vil mir wiffens ift) gepflantzet  
 werden. Noch findt man vil güter leut die gern wiffen wie man auch  
 denen dingen thût/ fo bei vns fremd vnd vngewohnt find. Jm Teut-  
 fchen land ift das baumöl wol bekant/ man findt aber wenig die wiffens  
 haben wie es gemacht werd/ das weyßt mancher gern/ ob er fchon nimer  
 keyns machen foll. Also möcht ich von vil anderen dingen fagen/ die  
 wir nit in brauch oder übung haben. Doch würt es alles dienftlich fein/  
 vnnd (wie ich hoff) lüftig/ dem gütigen lefer. Es ift nit fo eyn fremb-  
 der baw/ es würt alles vnferm baw behilfflich fein. Haben wir nit al-  
 le frucht vnnd gewechß Jtalie/ fo find doch vns die vnferen fampjt den  
 frembden befchriben/ deßhalben wir an den vnfern keyn mangel/ vnnd  
 an den frembden eyn überfluß des bawers wercks haben mögen. Das  
 vnfer lefen wir vmb nutz willen/ das frembd vmb lufts willen/ vn-  
 fers neeret vns/ jhenes leret vns/ damit fo wir inn frembde land kom-

men/ das wir vns fremder ding nit gleich als ab eynem weiffen Rap=  
pen verwundern dörffen. Mir ift vngezweiffelt/ Ewer vefte hab  
mancherley feltzamer gewechs/ thier/ vnnd anders gefehen inn fremb=  
den landen/ wie man auch fagen möcht/ von fitten vnd kleydungen der  
menfchen/ deren keyn gewonheyt oder gebrauch inn vnfern landen ift/  
welchs

A5<sup>r</sup>

## Vorrede.

welchs E. V. on zweifel lüftig geweßt/ ob jr schon nie gedacht habend solche sitten oder gewonheyten sampt anderer frembden waar inn ewer vatterland zu bringen. Also solt jr auch in diesen büchern thun die E. V. zu funder trawt zu geschriben sind/ als eym weit erfahren/ Wann jr etwas findet das nit ewer gattung sein würt/ so thünd wie die kauffleut zu Franckfurt/ vnd faren im lefen furt/ biß jr finden was euch dienftlich vnd bequem ewer landtschafften ist.

Vnd dieweil ich zum theyl weyß/ vnd sunft auch wol gedencken kan/ das euch das erft theyl des bawers werck/ welches vö dem veld baw handelt/ nit so wol gemeß/ vnnd vileicht auch nit so nützlich würd sein/ als das ander theyl/ welches von dem viech züg ist/ wiewol sie bede wol bei eynander itond/ vnnd eyns dem andern die handt reycht/ dann das veld kan nit wol erbawen werden on viech/ es seiend ochsen oder pferd/ so kan das viech nit wol erhalten werden on füter/ das von dem veldbaw kompt/ Deßhalben habt jr die wal inn diesen büchern zu leren/ welches theyl des handels euch am gemeßten vnnd anmütigsten will sein. Die höfe vnnd meyer güter die Ewer V. auff den Alpen hat/ werden sich eygentlich baß schicken zu eym viech züg/ dann zu eym ackergang/ wie ich mich der gelegenheyt berichten laß/ vnd schon desselben von euch guter nutz empfangen ist worden ann rossen vnd rind viech. Darumb werden jr on zweiffel güten bericht hie finden. Es fället eynem ettwan an eym kleynen ding/ das leichtlich zu wenden were/ so man sein acht neme vnnd willfens hett. Für welchem schaden durch vnderweifung dieser bücher eyn yeder sich verwaren kan/ dieweil nit leichtlich etwas zufallen kan im viech züg/ es sei von der weyd/ oder anderer zucht/ das nit mit groffem fleiß hie angezeygt sei. Was auch fäl vnnd mangel dem viech mit leiplicher krankheyt zu fallen kan/ das ist fleißig dar gethon/ vnd eym yeden sein artzney vorgeschriben/ es sei im groffen oder hohen viech/ als rinder/ pferd/ vnnd efel sind/ oder auch in kleynen/ als schaaff/ geyß/ schwein/ vnnd deren gleichen.

Ist es dann das jr luft habt zum garten werck/ allerley frucht zu impffen vnnd pflantzen/ so habt jrs auch mit fleiß hie beschriben/ wann/ vnnd wie eyn yedes ding geschehen soll/ welches nit das wenigft/ ja das luftbarlichft theyl inn allem bawwerck ist/ vnnd mag euch nit alleyn inn veldern vnnd vff den Alpen dienftlich sein/ sonder auch in den stetten/ darinn jr ewere wonung habend.

Darumb so will ich ewer Erneuft trewlich gebetten haben/ jr wölend euch diese bücher mit fleiß befolhen lassen sein/ Vnd so jr von ewren vilfeltigen geschefften ettwas muß haben möcht/ dieselben mit fleiß

vberleben/ fo bin ich vngezweiffelt Ewer vefte werd fich ettwan des  
gottfeligen vnnd redlichen handels mit ernft vnderziehen/ vnnd den  
vilfaltigen weltlichen gefchefften die euch yetzt tag vnnd nacht keyn  
rûw laffen zum theyl (fo vil on verletzung gemeynes nutz gefchehen  
mag) entchlagen/ vnnd inn dem gottgfelligen handel mit rûg ewer le-  
ben

A5<sup>v</sup>

---

## Vorrede.

ben schlieffen/ Auch ewren eynigen lûn den jungen Peter Scheren da  
hin richten/ das er geneygter fei/ von eygnem erdwûcher vnd dem hoch-  
lôblichen viechzüg fein narung zu beffern/ dann durch andere beschwer-  
liche hândel (deren vil yetz im schwanck gond) begeren reich zu werden/  
Dazû er dann auch vorhin von feinen zucht meyltern abgericht ift/ das  
er für sich felbs begert mehr andern leuten/ dann jm felbft zu nutz mit  
anderer schaden oder nachtheyl zu leben. Welches Ewer veste/ vnd jm  
sampt allen den eweren mit der zeit zû Eer vnnd lob dienen mag.

Hiemit fei ewer Ernueft inn den schirm des Allmechtigen

befolhen/ sampt ewer lieben haußfrawen vnnd

kindern. Geben zû Straßburg

am dritten tag Aprilis.

Anno. M. D.

XXXVIII.

E. Ernueft gütwilliger D.

Michael Herr.